



Broj: 05/7-50-13-218-43/18

Sarajevo, 22. 11. 2018.

Z A P I S N I K

43. sjednice Vijeća nacionalnih manjina BiH, održane 22. 11. 2018.

Sjednica Vijeća nacionalnih manjina BiH počela je u 17 sati.

Sjednicom je predsjedavao Tihomir Knežiček, predsjedavajući Vijeća nacionalnih manjina BiH.

Sjednici su prisustvovali članovi Vijeća nacionalnih manjina BiH: Andrija Svatok, prvi zamjenik predsjedavajućeg Vijeća nacionalnih manjina BiH, Tijana Vučurević, druga zamjenica predsjedavajućeg Vijeća nacionalnih manjina BiH, Jakob Finci, Marija Grbić, Dejan Piotrovski, Jovanka Manžalović-Šalaka, Dragan Marković, Velibor Kuvač, Davor Ebner, Todorka Jovanović, Vjeročka Gajić, Silvija Vujović, Eva Pašić-Juhas, Nedžad Jusić, Hakan Varan, Halil Bicaj i Mladen Radmilović.

Sjednici su, također, prisustvovali: Želimir Lalić, predstavnik Ministarstva za ljudska prava i izbjeglice BiH, Nihad Biberović, predstavnik Udruženja „Euro Rom“ Tuzla, Lejla Kovačević-Mitrović, novinarka Radio-televizije Tuzlanskog kantona, Hasan Mujčinović, novinar Radio-televizije Tuzlanskog kantona, Zoran Brkić iz Sektora za odnose s javnošću Parlamentarne skupštine BiH, Aida Kreho, sekretarka Zajedničke komisije za ljudska prava, Branislava Vignjević, stručna savjetnica u Zajedničkoj komisiji za ljudska prava, i Anđelka Dobrilović-Rajak, stručna saradnica u Zajedničkoj komisiji za ljudska prava.

Članovi Vijeća nacionalnih manjina BiH **jednoglasno** su usvojili

D N E V N I R E D

1. Usvajanje Zapisnika 42. sjednice Vijeća nacionalnih manjina BiH;

2. Razmatranje mišljenja prof. Hofmanna na Zakon o pravima pripadnika nacionalnih manjina BiH, rađen u sklopu projekta Vijeća Evrope;
3. Razmatranje dopisa za Predstavnički dom, Dom naroda PSBiH i Zajedničku komisiju za ljudska prava;
4. Razno:
 - a) Informacija o planiranoj posjeti Republici Mađarskoj,
 - b) Informacija o drugom zajedničkom sastanku svih vijeća nacionalnih manjina u BiH,
 - c) Dogovor o izradi izvještaja o radu Vijeća za 2018. i plana rada za 2019.

Ad. 1. Usvajanje Zapisnika 42. sjednice Vijeća nacionalnih manjina BiH

Predsjedavajući Tihomir Knežiček otvorio je raspravu o ovoj tački dnevnog reda.

Nije bilo rasprave pa su članovi, **sa 17 glasova „za“ i jednim glasom „suzdržan“**, usvojili Zapisnik 42. sjednice.

Ad.2. Razmatranje mišljenja prof. Hofmanna na Zakon o pravima pripadnika nacionalnih manjina BiH, rađen u sklopu projekta Vijeća Evrope

Tihomir Knežiček otvorio je raspravu o ovoj tački dnevnog reda. U raspravi su učestvovali: Nedžad Jusić, Želimir Lalić, predstavnik Ministarstva za ljudska prava i izbjeglice BiH, Eva Pašić-Juhas, Jakob Finci i Tihomir Knežiček.

Nakon rasprave, članovi Vijeća nacionalnih manjina BiH **jednoglasno su** usvojili sljedeći zaključak:

„Vijeće nacionalnih manjina BiH smatra da je neophodno uraditi izmjene i dopune Zakona o pravima pripadnika nacionalnih manjina BiH s posebnim akcentom na dijelove koji se odnose na finansiranje nacionalnih manjina u Bosni i Hercegovini, pitanja zastupanja, pasivnog političkog prava i identifikaciju prava nacionalnih manjina.“

Ad. 3. Razmatranje dopisa za Predstavnički dom, Dom naroda PSBiH i Zajedničku komisiju za ljudska prava

Nakon što je predsjedavajući otvorio raspravu o ovoj tački dnevnog reda, u raspravi su učestvovali: Jakob Finci i Tihomir Knežiček.

Članovi Vijeća nacionalnih manjina BiH jednoglasno su usvojili prijedlog da se uputi dopis Predstavničkom domu i Domu naroda PSBiH, kao i Zajedničkoj komisiji za ljudska prava u kojem se apelira na poslanike i delegate u Parlamentarnoj skupštini Bosne i Hercegovine da u mandatnom periodu 2018.-2022. godina isprave uočene i navedene propuste, pojačaju dinamiku svog rada i angažmana u vezi sa svim, pa i pitanjem prava nacionalnih manjina, pokažu više razumijevanja za probleme s kojima se susreću pripadnici manjina u Bosni i Hercegovini i ostvare bolju i aktivniju saradnju s Vijećem, te organiziraju sastanke sa Zajedničkom komisijom za ljudska prava.

Ad. 4. Razno:

a) Informacija o planiranoj posjeti Republici Mađarskoj

b) Informacija o drugom zajedničkom sastanku svih vijeća nacionalnih manjina u BiH

Tihomir Knežiček otvorio je raspravu o ovoj tački dnevnog reda. U raspravi su učestvovali: Tihomir Knežiček, Eva Pašić-Juhas, Nedžad Jusić i Todorka Jovanović.

Nakon rasprave, članovi Vijeća nacionalnih manjina BiH primili su k znanju Informaciju o planiranoj posjeti Mađarskoj i Informaciju o drugom zajedničkom sastanku svih vijeća nacionalnih manjina u BiH.

c) Dogovor o izradi izvještaja o rada Vijeća za 2018. i plana rada za 2019.

Za izradu Prijedloga plana rada za 2019. zadužen je g. Jusić, uz pomoć zaposlenih u Uredu sekretara Zajedničke komisije, te će biti razmatran na jednoj od narednih sjednica Vijeća.

Sjednica Vijeća nacionalnih manjina BiH završena je u 18.30 sati.

Sastavni dio Zapisnika je tonski snimak 43. sjednice Vijeća nacionalnih manjina BiH.

Stručna saradnica
Anđelka Dobrilović-Rajak

Predsjedavajući
Prof. dr. Tihomir Knežiček